

我有 Say

Hindley

樹醫生嘅出現，唔單止係為咗樹木，仲要保護人嘅安全。

入行途徑

- 1 從事與樹藝、園境、苗圃等與樹木相關工作三年，然後參加考試。
- 2 修讀生物、園藝、樹藝或環保學士學位課程，及從事樹木相關工作一年，然後參加考試。

環保新貴 樹醫生

出診把脈 轉介專科 考試攤牌 前景無限



專門為樹診症的「樹醫生」，正名是樹藝師。這個陌生的職業，自從藝人陳茵媺在電視劇《心戰》飾演「樹醫生」後，才廣為人知。隨着本港塌樹意外日增，環保意識日盛，這「護樹又護人」的職業頓成搶手貨，吸引大批年輕人爭相加入。

文：張凱恩 攝：甘偉倫

為樹把脈找出病因，「樹醫生」似乎擁有「神奇力量」。「樹醫生」唔係萬能，我哋好似做門診咁，睇到棵樹有咩問題，就將佢轉介畀樹師、蟲害專家或真菌專家處理。」入行近兩年的 Hindley，站在一棵榕樹前，逐一揭開樹醫生的神秘面紗。

他從「藥箱」取出直徑尺、高度計，「樹同人一樣，要度高磅重先。」他用木棍、望遠鏡檢查，一邊填寫樹木風險評估表一邊說：「呢棵樹都幾健康，只係之前打過風，有啲枯枝斷咗。」

入行首要無潔癖


「樹醫生」必須通過國際考試，才可獲得由國際樹木學會發出的牌照。Hindley 本身修讀能源及環境學士學位課程，畢業後到一間樹藝公司工作，是全港第六百八十五位註冊樹藝師，「好似我咁，本身擁有生物、園藝、環保之類學位，只需一年工作經驗就可以報考專業資格試，否則就要有擁有三年樹木相關工作經驗，先可以報考。」

本港於九五年已引入「樹醫生」考牌制度，但未受外界注視，「〇八年赤柱發生塌樹意外，大眾先關注樹木安全，無論係政府或私人屋苑，都願意花錢請人做樹木健康評

估。」「樹醫生」起薪點約為一萬五千元，加薪幅度視乎公司規模而定，如在小型公司，有三年以上經驗，隨時可加至二萬四千元。業界估計，全港註冊「樹醫生」人數由一〇年的二百多人，增加至今年年初近八百人。

要做「樹醫生」首要條件是無潔癖。「驗樹要爬上山坡，又要走入叢林，會搞到成身泥濘，鼻蚊叮、鼻蜜蜂螫，甚至畀蛇蟲鼠蟻咬都有。所以呢行始終係男多女少，哈哈！」而驗樹更需細心和有耐性，「每棵樹至少要驗兩個鐘，有時候我哋需要用目測檢查，睇吓有無落葉、枯枝，呢啲都係樹木嘅病徵。」

除日曬雨淋，「樹醫生」亦會遇上畀狗追、畀村民攔路等驚險事情，隨時要化身成「調解員」。「有次驗樹要用到針孔鑽探儀做深入檢查，點知有位婆婆以為我哋要斬樹，話唔畀我哋鑽，咪惟有安慰佢，慢慢同佢解釋，終於說服佢。」醫者要救人，但「樹醫生」並非凡樹必救。「喺森林入面，唔會有樹藝師。我哋嘅出現，係因為要平衡城市人、公共設施同埋樹木，如果棵樹有倒塌危機，一切以安全為出發點，亦要移除。」對 Hindley 而言，做到人樹共融，正是他從事「樹醫生」的意義所在。



● Hindley 手上拿着的木棍，就是樹醫生的「聽筒」。



● 不少行醫工具都是自製，包括量度樹洞深度的喉管。

木棍作聽筒 喉管測樹洞

「樹醫生」沒有白袍，Hindley 身穿短袖恤衫、長褲、行山鞋，頭戴安全帽，手戴勞工手套，再配上安全眼鏡「開工」，身後的「藥箱」猶如多啦 A 夢的神奇百寶袋，袋滿各種驗樹工具。他手上一把長呎看似平平無奇，但其實別有妙用，「呢把呎已經除咗 π （即 3.14），只要圍住樹幹一圈，就可以知樹嘅直徑。」

一般醫生用「聽筒」，「樹醫生」用的卻是木棍，「用支棍輕輕敲擊樹身，聽吓係實木定係空心嘅聲，空心即代表表面可能腐爛。」至於檢查樹洞又有另一「法寶」，「喺外面睇唔到個樹洞有幾深，要自製一條喉管插入樹洞入面，再拎出嚟度個深度。」遇上奇難雜症，「樹醫生」會用小箱收集樹葉、樹皮，帶回辦公室化驗，「香港有幾千種



● 陳茵媺曾在電視劇《心戰》中飾演樹醫生。（資料圖片）



● 用直徑尺圍住樹幹一圈，便可量度樹木直徑。



● 二〇〇八年赤柱塌樹意外後，令大眾更關注樹木安全。（資料圖片）



● Hindley 以高度計為樹木度高。



● Hindley 利用斜度計，檢查樹木有否倒塌危機。



● Hindley 利用斜度計，檢查樹木有否倒塌危機。



● 樹醫生的「藥箱」工具多多如百貨袋。